



VOTA, SEV MOTIVA REGIÆ AVDIENTIÆ PRO- CESSVS CVRATORIS PETRI MICHAELIS IOSEPHI ALEGRE.

SVPER INFANTIONIA, 1649.

IN DEI nomine. Nouerint vniuersi, quod die tricesimo mensis Iulij, anno Domini nostri Iesu Christi millesimo sexcêtesimo quadagesimo nono, in Ciuitate Cæsaraugustæ, & in Regio Consilio causarum Ciuiliū præsentis Regni Aragonum interuenerunt Magnifici domini DD. D. Ioannes Chrysostomus de Exea Assessor ordinarius generalis Gubernationis, D. Hieronymus Torro & Embun, D. Didacus Canales, D. Ioânes Baptista Alegre, & D. Michael Perez de Nueros, Regij Consiliarij, coram quibus fuit positus processus intitulatus, processus *Petri Michaelis Iosephi Alegre minoris*, super Infantia, in quo tres ex dictis dominis Regijs Consiliarijs

concordes præmissa relatione facta per dictum dominum D. Didacum Canales Relatorē huius causæ fuerunt voti, & opinionis, quod *Attent. cont. &c. tenetur*, & debet pronuntiare, & declarare litteras narratiuas ductas ad præsentem processum, & fide factas per Petrum Hieronymum Guindeo Procuratorem, sub die octauo mensis Martij, anni millesimi, sexcentissimi quadagesimi sexti, fore, & esse inferendas, & admittendas, prout per dictum Procuratorem supplicatur, non obstantibus in contrarium allegatis, & supplicatis per Braulium Mendieta Procuratorem, quæ locum non habent. Et cum hijs Petrum Michaellem Iosephum Alegre minorem, cuius nomine agit Braulius Mendieta, eius curator ad lites fore, & esse Infantionem, & debere gaudere omnibus,

A

bus,

bus, & singulis priuilegijs, libertatibus, & immunitatibus, ceteris Infantionibus presentis Regni Aragonum concessis, & indultis, neutram partium in expensis condemnando.

Ex eo autē, & aliās pronuntiatum, provt in sententia, & dictum minorem Infantionem esse declaratur, quia ex deductis, & probatis per ipsius curatorem constat in Villa de Luna ab eo tempore, cuius initij memoria hominū non existit fuisse, & esse Casale nobilitans, siue familiam Infantionum notiorū, sanguinis, & noti solaris de los Alegres, ab illoque oriundos à prædicto tempore omnibus, & singulis priuilegijs, ceteris Infantionibus concessis fuisse gauisos; in quo, nec dubium vnquam fuit, nec pars aduersa inficias ire visa est: rursus ab illa familia, & Casali originem duxisse dominumque illius fuisse Petrum Alegre, duosque habuisse filios Petrū scilicet, & Ioanem probatum est, hunc Ioanem Petri illius filium, huiusque fratrem à dicta Villa de Luna, ad locum de Villarroja de los Pinares se cōtulisse, ibique constituisse domicilium cōtracto matrimonio, ex quo descendit minor eius asserit

curator, & probasse sufficienter contendit: quod Fiscus Regius, & Dominus temporalis illius loci Commendatarius, scilicet Commendæ de Aliaga, Ordinis sancti Ioānis Hierosolymitani, non solum negāt, sed id fictitium fuisse, nec in hoc processu probatum asserunt, probationesque omnes per curatorem factas, elisas, & eneruatas, omnino per contrarias validiores probationes affirmant; ex quorum inspectione huius causæ difficultas omnis, eiusque decisio totaliter pendet.

Veruntamen curatorem præfatum intentionem suam probasse apparet ex sequentibus, produxit, namque testes plures ad probandum dictum Ioānem Alegre Petri filium, à Villa de Luna, ad locum de Villarroja se contulisse: ex quibus ferme omnes, præsertimque tredecim optimè in eo contestantur cum omnibus circumstantijs, & qualitatibus à iure, & Doctoribus requisitis, vt testes de facto antiquo deponentes concludere, & plenè probare censeantur. Qui præterquam, quod optimè conueniunt inter se, duoque extrema adamusim coniungunt, aliqui, namque ex Villa de

Luna oriundi, ibi sic ab antiquis audisse, fama que comprobatum esse; alij in dicto loco de Villarroya habitantes, ibi, similiter à maioribus suis accepisse, & de eo famam exitisse, & stare asseuerant; adeo probatæ fidei, imò prorsus exceptione maiores existunt, vt nec pars aduersa aliquid vnquam ne minimum, quidem opponere contra eorum personas ausa sit: quinimo licet hæc causa adeo neruose, ne dicam peruicaciter, fuerit defensa, vt ex processu, eiusque meritis deprehenditur, nec in cedulis, nec in allegationibus iuris, aliquid contra testium personas machinari ausi sunt aduersarij, quod multum mouere potest, & debet iudicantis animum ad credendum, sic probos viros, vt aduersariorum annuentia comprobatos esse meritò dici possit, veritate tantum nixos, & iuramenti religione ductos, quod maiorum fama, & traditio introduxit, & ab illis habuerunt in suis dictis manifestasse, quæ reliquorum etiam trium testium depositionem adminiculatur, nam licet illi deficient in aliquibus ex requisitis ad hoc, vt plenè concludere iudicentur non leuiter eo adiubare cen-

fuius, videntes etiam secundum plurimum Doctorum sententiam requisita vnius testis de immemoriali, vel factò antiquo deponentis per dictum alterius similiter defectuosi suppleri debere, ita, vt ex vtriusque dictis non sufficientibus, vnum sufficiens, & concludens confletur, & constitutur.

Rursus ad huius probationis tot testibus, & talibus facte corroborationem adduxit curator *transumptum ex Curia Iustitiæ Aragonum cuiusdam testamenti*, quod dicit fuisse dicti Petri Alegre fratris dicti Ioannis, in quo Ioanni fratri suo in Loco de Villarroya viuenti, & habitanti legatum relinquit, illum executorem, siue spondalarium sui testamenti eligit, incertumque casum hæredi suo substituit: cuius testamenti, & transumpti fides licet communiter male audiat quale quale, tamen adminiculum ex illo resultare videtur, ex rationibus, & motiuis, quæ inferius expendantur.

Secundo loco adduxit probationis instrumentum exhibitum in processu Thomæ Alegre, super Infantonia in hac Regia Audiëntia annis re-

tro elapsis habiti, de quo in presenti est facta fides per Regium Fiscum, quo enuntiatur Ioannem Alegre Mariæ Yzquierdo maritum, vti Infantionem protestasse, sibi que, & posteris præcauisse, ne præiudicium generaretur, ex contributionibus, & alijs, tanquam hominis conditionis factis attento, quod ex Villa de Luna oriundum, & Petri Alegre Infantionis filium se esse asseribat, & probabat, cuius documenti cum in motiuis illius processus, longe, latèque sit mentio habita, *illique omnino denegata fides ex multis, quæ sit in presenti ratio habenda constabit; ex dicendis.*

Tertio loco, adduxit curator instrumentum venditionis, quo Maria Yzquierdo se viduam dicit Ioannis Alegre Infantionis, anno millesimo quingentesimo tricesimo septimo, quod instrumentum Michael Esteuan, Notarius Regius stipulatus est, & per ipsû rogatum in publicam formam redactum exhibetur in eodem processu Thomæ Alegre, ex qua enunciatiua in re adeo antiqua licet vnica, non leue adminiculum resultat, nō obstare eo, quod opponitur emanasse à parte, de cuius ageba-

tur interesse; respōdetur, namque non id verbum reputari concedentis, sed Notarij in illius persona loquentis, non enim, si à communiter accidentibus arguamus, videmus concedentem instrumentum, quodlibet se Infantionem, aut militem asserere; quando instrumentû de contractu aliquo conficitur, sed in substantialibus eius consentiens, hæc accidentalia, & extrinsecas qualitates Notario instrumentum extendenti iuxta suam intelligentiam apponendas, omnino relinquit, Notarius ergo in eis locutus est non pars, quæ instrumentum concedit.

Nec similiter obstat; quod verbum illud *Infanzon* in nota prædictæ venditionis non reperitur, ex quo in processu iurisfirmæ Thomæ Alegre supplicatû fuisse asserunt reparari instrumentum leuatam iuxta notam, & ab eo amoueri verbum illud *Infanzon*: Respondeatur, namque primo, nec notam originalem, nec processum illum electionis iurisfirmæ fuisse exhibitos in præsentî, unde succedit vulgare dicteriû, quod non sunt de mundo, deinde respondetur, potuisse Notarium rogatum qualitatem, quam ipse in nota non ap-
fuit,

fuit, tamquam illius dominum in se reuersū in leuato adijcere, vt quotidie fieri videmus.

Nec similiter obstat, quod tertio contra hoc instrumentum opponitur de pluribus alijs exhibitis ab eiusdem Notarij nota extractis, in quibus dum nominatur Ioannes Alegre, *Infantio* non enuntiat; nam respondetur ea fuisse in publicam formam redacta per Cōmissarios, & forsan diu post cōfectionem, quo tēpore nesciebant ipsi Commissarij qualitatē illam concedentis, vt rogatus, vnde ab illis non fit argumentum alicuius cōsiderationis; præterquam, quod nō constat loqui, hæc instrumenta de eodem Ioanne, cuius illud meminit, cum qualitate *Infantionis*, de quorum ratione *inferius* latè agetur.

Ipsius etiam probationis à curatore factæ resultāt, ex processu alia adminicula non leuia, vt sunt ex testibus Fisci, quorum *undecimus* ad sextum articulum contradictoriij afferit se audiuisse quartum auum probātis à Villa de Luna descendere: & *sextus* ad quintum famā esse in loco de Villarroya à decem, & septem annis, citra, quod cognominati los *Alegres* dicti loci descendunt

à Villa de Luna: & *septimum*, & *quintum* se sic audiuisse, qui contra producentem taliter probant, vt alteri parti maximo sint adminiculo.

Acceditq; tractuū, & cōmunicationū probatio inter illos de Luna, & hos de Villarroya, cognominis de Alegre: in quo plures testes cōueniunt super decimo tertio articulo cedulę curatoris, quod maxime veritatem probationis, sic corroboratæ confirmare visum est, & ex omnibus simul iunctis plenissimam coagulari probationem, ex eaque curatoris intentionem foridicè fundatam, & approbatam remanere.

Nec obstat, quod pro parte Fisci cōtra hāc obiicitur probationem, quæ sic considerata, & testium dictis, & adminiculorum corroboratione munita plenè, & concludenter curatoris intentionem fundat irrefragabiliter, in loco, scilicet, de Villarroya extitisse, iam familiam de los Alegres, ante quam iuxta votum, & intentionem curatoris venisset à Villa de Luna Ioannes de Alegre, ex quo inferri, contendit illum non ex Villa de Luna, oriundum ad Locum de Villarroya se transulisse, sed potius in eo, iam antea com-

morasse, ad quod fundandum
testium depositionibus, va-
rijsque documentis, quæ ex
scripturis publicis, & priuatis
resultare asserit probari in-
tendit, quod in contradicto-
rio articulauerat ex loco, sci-
licet, de Balbona, venisse ad
locum de Villarroya Ioannem
Alegre patrem, adduxitque
secum tres filios masculos, *Ioan-
nem*, scilicet *Franciscum*, &
Antonium, filiamque *Cathe-
rinam*, hos omnes, ibi domici-
lium constituisse. Ioannem fi-
lium contraxisse matrimonium
cum Maria Yzquierdo, Fran-
ciscum cum Ioanna Hortin,
Antoniumque cum Catheri-
na, siue Antonia Gascon, quod
licet in articulis sine præfio-
ne temporis dicatur ferire il-
lud, quod Ioannem, è Villa de
Luna venisse pars alia conten-
dit; probant ex plurium in-
strumentorum productione, qui-
bus enuntiatur ante illud tē-
pus repertos fuisse in loco de
Villarroya Ioannem Alegre,
Franciscum, & Antonium, &
signanter Ioannem cum nota
designante filium fuisse alte-
rius Ioannis, dicitur, namque
Ioannes Alegre minor, quod
si non euincit filium fuisse al-
terius Ioannis maioris, sal-
tem videtur loqui de illo Ioā-

ne, quem volunt venisse, è
Villa de Luna, qui cum, vt cu-
rator asserit, venerit intenera
adhuc ætate constitutus, veri-
simile est, vt illius minoris
designatione comprehenda-
tur, ex quo arguunt non ex
Villa de Luna, sed ex loco de
Balbona venisse.

Hoc vt probet pars Fisci, &
Domini tēporalis producit plu-
res testes, quorum licet plures
sint, *septē tantū prima facie cōclu-
dere videntur*, quorum tamen
dicta si rectè perpendantur so-
lum probant in loco de Vi-
llarroya se à maioribus audi-
uisse, qui dicebant ab alijs
itidem maioribus se audiuisse
dicentibus vidisse se, & cog-
nouisse dictos Ioannem patrē,
& tres filios præfatos, & in lo-
cum de Villarroya peruenisse,
ex Villa de Balbona; quæ pro-
batio, non solum, *ex quo testium
numero adeo inferior*, sed potius,
ex quo hi testes plures inter se
patiuntur exceptiones tali-
ter, quod nullus, vel sibi, vel
socijs constet, vel quia aliqui,
qui cognomento de Alegre
vtuntur, modo se probantes
consanguineos asserunt, mo-
do negant, vel quia alij dicūt
omnes illius cognominis de
Alegre, qui in loco de Villa-
rrroya reperiuntur esse descē-
den-

2
dentes ab illis de Balbona, quod pars Fisci possuit, posteaque se audiuisse fatentur aliquot esse, qui descendant à Villa de Luna, & aliquot sunt, qui à loco de *Manzanera*, vel quia super articulis quinto, & sexto se à maioribus audiuisse affirmant, qui dicebāt se etiam audiuisse ab alijs dicentibus se vidiſſe, & super alio articulo, *nō* scilicet, respondent, nō primos, nec secundos, nec tertios antiquos vidiſſe, quæ in eo articulo ponuntur, & possitis in quinto, & sexto sunt lōgè recentiora, vel quia dum maiores eosdem nominant vnus, & alter non conueniunt in tempore, quo illos decessisse asseuerant, taliter, quod in viginti annorū, & amplius spatio discordāt; parum inquam hæc probatio negotij facere visa est, ex dictis, & ex quo dū à Villa de Balbona illos venisse dicunt nullum testem, aut documentum ex illa Villa de Balbona producūt, quo probetur in dicta Villa aliquos extitisse huius nominis de Alegre, non potuerūt autem ex ea venire, quin antecederet, ibi existerent, quæ res non parum inuerosimilitudinem intentionis Fis-

ci conuincere videtur. Accedit hos testes, vt ex eorum dictis, & contextura constat, non esse adeo probatæ opinionis, & famæ, vt aduersus tam plenam probationē deponentibus fides sit adhibenda infimæ, namq; plures conditionis se esse negare non possunt, & ex eorum dictis resultat.

Nec obstat, quod pro eadem parte tentatur cumulandos esse testes, qui in processu Thomæ Alegre deposuerunt, & eos esse mortuos in hoc probatum est: nam præterquā, quod id maximè difficultate non caret, quod testes illi sunt pro reproductis habendi cum deposuerint in processu, alio inter diuersas personas factō ex eorum dictis vix aliquid præiudicij curatoris parti resultat, nec quod testium in presenti processu productorum dicta adimiculetur; quod autem de eis non sit habenda ratio fundatur, nā sententia illius processus non potuit vtilata contra Thomā Alegre, eius consobrino ex fratre filio nocere, licet in causa status lata, & quodammodo non personæ litigantis, sed familiæ data, diuersa, namque est persona;

na; distinctio namque illa à Doctoribus communiter recepta, in his Tribunalibus praxi, sæpius comprobata est, quod scilicet in causa status lata sententia profit alijs cōsanguineis, non verò noceat, quod illis terminis melius explicatū reperimus, quod scilicet verbis affirmatiuis lata sententia præiudicium alijs cōsanguineis faciat; non sic si verbis negatiuis concipiatur, ratio est, quia quando sententia affirmat Infantionem exponentē esse declarat, quādo verò negat; id tantum dicit exponentem suam intentionem non probasse: vnde illius cōsanguinei iurē dicere possunt, quod ille non probauit probabo; quod casui nostro rectē adaptatur; quo probato Casali sententia cōtra Thomam lata, solum defectu probationis inclusionis innixa est, quod illius consobrinus ex fratre filius se rectius probatarum intendere potuit; vnde non nocēte sententia, succedit regula, quod nec poterūt nocere acta processus; nec testes in eo recepti dicto minori quid; quod licet iungerētur quatuor horum testium dicta parum præiudicij facerent; nam contra

hos, & illos consideratio, adhuc viget, quam falcē ad radicem ponere in casu nostro visum est, quod scilicet intentione actoris, sic, vt dictum est stabilita, & exuberanti probatione fundata, non directo ipsi contraria probatio Fisci opponitur; asserit curator Ioannem à Villa de Luna, in locum de Villarroya migrasse, affirmant Fiscus, & Dominus temporalis illius loci ad fuisse eo tempore, & antea in loco de Villarroya Ioannem Alegre maiorem, quem patrem dicunt, & minorem, quē faciunt illius filium hoc certē, & si concludenter probaretur, necessario non euincit negationem aduentus illius Ioannis à Villa de Luna, quod præcisē requirebatur, vt exponentis probatio contraria probatione elisa, & eneruata redderetur: nam cum simul, hæc duo stare possint vnum aliud necessario non excludit.

Opponitur rursus inuerosimile esse extantibus his in loco de Villarroya ex familia, & cognomine de los Alegres, quos è Villa de Balbona, inde propinquauisse dicunt asserere, elonginquo ex Villa de Luna venisse Ioannem

nem de Alegre; cui responderetur, id itante adeo plena probatione parum negotij facessere, cum sæpè iuuenibus varijs ex causis id euenire soleat, naturali ductis propensione vagandi, è paternis laribus exeuntibus; imò inue-rosimilius esse patrem Ioannem cū quatuor filijs, è Villa de Balbona in locum de Villarroya se contulisse, paternum avitosque lares deserendo, nullis ibi sedentibus bonis; aut consanguineis relictis, aut amicis, ex quorū tractatibus cōseruari posset memoria adeo notabilis facti, si re vera id accidisset, quod, vt supradictum est fulcitur amplius, ex quo nullus testis ex Villa de Balbona, nullum documentum, aut ex libro Parochi, aut ex notis alicuius antiqui Notarij producit, quibus hāc familiam, ibi, domiciliū fouisse, aut inde exiisse, vt par erat probetur.

Nec similiter obstat, quod opponitur hanc testium probationem adminiculatam reperiri aliquibus instrumentis exhibitis quibus in re tā antiqua, potius deferendum esse dicitur, quam testibus; illis, namque, vt dici solet lux veritatis afsistit; nam antequam

ad illorum enumerationem, & ponderationem procedamus; responderetur, iuxta supra dicta, non iure tractari de adminiculanda probatione, quā nec contrariam alij diximus, nec per se sic subsistere, vt adminicula in ea subiectum reperiant, cui accedant, sed ad facietatem sigillatim respondetur.

Primo, itaque adducuntur litteræ narratiuæ ab Officiali Ecclesiastico Turulensi emanatæ, quibus asseritur ad futuram rei memoriam, ibi; quemdam tertium allegasse aduentum, & matrimonia illorum de Balbona, & filiam illam Catherinam nuptam, cum quodā Blasco procreasse filiam itidem Catherinam, Franciscumque illius fratrem ex Ioanna Hortin coniuge procreasse Gabrielem, id probare volens duos tantum testes de fama deponentes produxit, quæ fuerunt acta anno millesimo quingētesimo nonagesimo primo: quid inde eliciatur non apparet, præterquam, quod probatio illa adeo inutilis est, & de tempore non multum antiquo, & sine partis huius, aut alicuius alterius citatione, aut contradictione facta, quare de illa

ad propositum; nullā fore habendam rationem iure optimo existimauimus.

Adducitur, deinde testamentum Marię Yzquierdo, & ponderatur, ex eo probari Ioannem Alegre, eius virum fratrem fuisse illius Francisci, quem cum patre, & fratribus à Villa de Balbona venisse dicunt, ad quod expenditur clausula, qua liberatione in legat Francisco, & cum no minando dicit: *Francisco Alegre, quondam, cuñado mio*: sed illa verba non probant necessario dictam fraternitatem, cum potuerit esse alias cognatus, quam eo quo fuerit frater Ioannis eius mariti, unde succedit regula, quod non probat cum non concludat per necesse, & quamvis vergeatur, quod Franciscum fuisse maritum Ioannę Hortin probatum est, & videtur inde deduci, non aliter potuisse cognatum Marię Yzquierdo, quā quia mariti eius frater foret; Respondetur, itidem, non id adhuc per necesse concludere, vel, quia potuit Franciscus ante, vel post matrimonium cum Ioannę Hortin contractum ex alio cognatus esse dictę Marię Yzquierdo, vel, quia non ille fuit Franciscus

Alegre, qui contraxit cum Ioanna Hortin, de quo Maria loquitur, quod ante plures fuerint eo tempore Francisci eiusdem cognominis de Alegre, in loco de Villarroya manifeste apparet ex libro cōfraternitatis, procuratorio Ioannę Hortin, donationis instrumento, & alijs documentis productis in processu, unde dubia admodum redditur hęc probatio, dum non constat de identitate illius Francisci, quod necessarium erat, vt infra dicemus.

Aliud similiter opponitur, in quo magna vis intentionis partis aduersę videtur consistere, constare scilicet Ioannem Alegre, Marię Yzquierdo maritum fuisse exponentis ascendentem, illumque fuisse ex venientibus à Villa de Balbona, cui, vt respondeatur præmito curatorem non articulare in hoc processu tale matrimonium, sed tantummodo dicere, Ioannem ex legitima vxore procreasse Bartholomæum, & reliquos ascendentes postea ennumerasse; deinde Fiscum, & Dominum temporalem dicti loci, dum articularunt dictum matrimonium solum dixisse, Ioannem, qui contraxit cum dicta Ma-

ria habuisse filium Bartholomæum, non verò reliquos illius descēdentes enumerasse in illis exponentem includendo; quibus positis respondetur pluralitatem personarum regulariter non præsumi, sed quando necessaria est, ut probationum cōtrarietas vitetur, ut in casu nostro limitatur dicta regula, quia nō sic præsumpta pluralitate *necessarium foret alteram ex his probationibus falsam esse*, idque præsertim procedit quando præsumptio documentis ipsis innititur, ut in casu nostro, in quo plures eius nominis eodem tempore, & loco extitisse certum est, ut de Francisco Alegre supra tetigimus, & in Maria Yzquierdo, & Ioanne Alegre non *minus evidenter* probatur, si attendatur liber ille confraternitatis, in quo anno millesimo quingentesimo undecimo mortuus enuntiatur Ioannes Alegre, & sequenti millesimo quingentesimo decimo tertio in confratrem admittitur Ioannes Alegre, & rursus anno millesimo quingentesimo decimo quinto mortuus dictus est Ioannes Alegre, & anno millesimo quingentesimo vigesimo secundo viduam se dicit Maria

Yzquierdo Ioannis Alegre in procurationis instrumēto præter alia plura, quæ exhibentur, itidem instrumenta ab anno millesimo quadringentesimo septuagesimo quarto, quibus nominatur sæpè Ioannes Alegre, nunc minor, nunc maior, & minor Mariæ coniux enuntiatur, & liber ille Parochi, quo in compadres nominantur Ioannes Alegre, & Maria Yzquierdo, neque hanc dicit viduam, quod cum fuerit actum anno millesimo quingentesimo vigesimo nono euincitur transisse quinque supra quinquaginta annos à quo tempore enuntiatur vxor Ioannis Alegre anno millesimo quadringentesimo septuagesimo quarto, ex quibus euincitur si non est impossibile de vna, & eadem Maria Yzquierdo, hæc omnia ennūtiari saltim valde inverosimile esse, idemq; de Ioanne Alegre dicendum.

Nec obstat si dicatur hanc posse præsumi pluralitatem, ut vitetur contrarietas testium ad effectum, ut ipsi de falsitate accusari non possint, non verò, ut eorum dicta probent: nam respondetur supposita probatione curatoris sic plena, & concludenti, ut

dictum est taliter ex probatione contraria, & documentis exhibitis induci necessitatem præsumptionis pluralitatis, vt identitatis probatio sit fundamentum intentionis excipientis. Et contrariam probationē elidere tentantis, quæ cum non sit articulata, nec probata defecisse videntur in fundamento suæ intentionis Fiscus, & Dominus temporalis dicti Loci.

Nec, quod ex aduerso ponderatur de qualitate adiecta maioris, aut minoris in persona Ioannis Alegre aliquid ob stare potest si animadueratur adesse in processu duo instrumenta per cōuentos exhibita, alterum pacti in loco de Fortanet de anno millesimo quingentesimo decimo, in quo vnus ex pacifcentibus dicitur Ioannes Alegre minor, alterum similiter, quo tempus quoddam conceditur Ioanni Alegre minori de anno millesimo quadringentesimo septuagesimo quarto, in quo vnus ex testibus similiter dicitur Ioannes Alegre minor, ex quibus licet, quod illis temporibus reperti fuerint Ioannes cum cognomento de Alegre, & quam inutilis sit, & leuis præsumptionis, distin-

ctionis, & diuersitatis, quæ ex adiectione illa *menor*, potest deduci, & in re adeo antiqua sic per varia documēta obnubilata vix posse ex illis instrumentis veritatem elici quam indagamus.

Ex quibus elucet itidem responsio ad alia instrumenta, & adminicula ex aduerso producta, & ponderata, quæ resultant ex scripturis publicis, & priuatis, & partitis librorum exhibitis, quibus ex supradictis satis fit, nam in eis amplius immoramur, vt prolixitatis, & repetitionis tædium vitetur. Et ideo meritò certè, & in dubie curatoris probationi stādum esse, quam non potest dubia, & incerta, nec est diametro cōtraria probatio elidere, aut in aliquo, sic dubiam rddere, vt prætendatur esse rem in eo statu, quo dici solet actore nō probante reum, & si nihil præstiterit esse absolvendum; non enim sic accidit in præsentī, sed potius vt dictum est indubiæ, & certæ probationi contraria dubia, & incerta, in aliquo officere nō potuit; & ita pronuntiandum, prout in sententia meritò censuimus. Ex his, & alijs attent. cont.

MOTIVO DE LOS DOS SEÑORES 13

DEL REAL CONSEJO.

ET alteri duo domini de dicto Regio Consilio fuerūt voti, & opinionis (præmissa dicta relatione) quod att. cont. *Exc. tenetur, & debet pronuntiare, & declarare litteras narratiuas ductas ad præsentem processum, & fide factas per Petrum Hieronymū Guindeo Procuratorū, sub die octavo mensis Martij, anni millesimi sexcetesimi quadragesimi sexti fore, & esse inferendas, & admittendas, ut per dictū Procuratorē supplicatur, nō obstantibus in cōtrariū allegatis, & supplicatis per Brauliū Mendieta Procuratorē, quæ locum nō habent. Et cū his Petrū Michaelem Iosephū Alegre pupilum, cuius nomine agit eius curator, non fore, nec esse Infantionē, nec debere gaudere privilegijs, libertatib⁹, & immunitatibus, ceteris Infantionib⁹ præsertis Regni concessis, & indultis, neutrā partiū in expensis condēnando, cætera supplicata locum nō habere.*

Ex eo præsertim, & alias declaratur Petrum Michaelem Iosephum Alegre pupilum Infantionem non esse, quoniam licet eius curator contēderit per virilem sexum descendere à Petro Alegre Infantione Domino casalis, & Palatij antiqui militum, &

Infantionum Villæ de Luna (de cuius nobilitate non dubitatur) dictūquē Petrum duos habuisse filios Petrum, & Ioannem, quorum alterum, nempe Ioānem patrijs relictis laribus se contulisse in locum Villæ Rubæ Baiuliæ de Aliagā præsentis Regni, ibique matrimonium contraxisse, & ex eò procreasse in filiū Bartholomæum, tertium autē pupili, & hoc cum terdecim testibus de auditu maiorum suorum deponentibus probauerit, tamen cum pro parte Procuratoris Regij Fiscij, nō tantum cum vndecim testibus septem huius processus, & quatuor processus Licentiati Thomæ Alegre, super Infantionia, item de suorum maiorum auditu deponentibus, sed etiam documentis, & instrumentis antiquis ostensum, & probatum sit, prædictum Ioannem, quartum auum pupili fuisse filium Ioannis Alegre, vicini Villæ de Balbona, qui cum tribus filijs masculis, & vnica filia, è dicto loco de Balbona, vbi degebat se cōtulit in Villam Rubeam, nempe Ioanne, Francisco, An-

tonio, & Catherina, dictumq; Ioannem filium matrimoniū contraxisse cum *Maria Yzquierdo*, & ex ea filium habuisse Bartholomæum, tertium aum pupili; ideo probationi Regij Fisci scripturis antiquis adminiculatæ, & roboratæ, quibus *lux afsistit veritatis*, tamquam verosimiliori potius adhibendam fidem esse censemus, quam curatoris.

Nam prædictum Ioannem Alegre patrem dictorum quatuor filiorum vicinum fuisse Villæ de Balbona, & dictos quatuor filios habuisse, propterea nominantur supra clarè resultat, ex litteris narratiuis Curiae Ecclesiasticæ Ciuitatis Turolij emanatis à processu Gasparis Alegre vicini Villæ Rubegæ actitato, sub anno millesimo quingentesimo nonagesimo primo, ubi dictus Gaspar Alegre hoc allegato, & probato, atque tamquam descendens à Francisco Alegre, vno ex tribus fratribus erat proximior instituenti Capellaniam, nempe Catherinæ Blasco filia dictæ Catherinæ Alegre sororis dicti Francisci vnus ex dictis fratribus obtinuit sententiam fauorabilem, & declaratus fuit patronus, quod valde consonat

cum probatione Regij Fisci, & cum fuerit id actum tempore, quo nullus erat rumor, nec suspitio præsentis litis non paruum præstat adminiculum.

Rursus corroboratur multum dicta Regij Fisci probatio ex testamento *Mariæ Yzquierdo viduæ* Ioannis Alegre minoris condito, sub anno millesimo quingentesimo tricesimo sexto; in quo absoluen- do *Franciscum Alegre*, iam mortuum, & suos successores à debitis, ex quibusdam compotis resultantibus vacat illū affinem per hæc verba: *El honorable quondam Francisco Alegre, cuñado mio*. Quæ idem sonant, ac si appellasset Franciscum fratrem Ioannis Alegre viri sui, quod valde adstringit ad conuincendum, & persuadendū dictum Alegre, maritum Mariæ Yzquierdo habuisse fratrem Franciscum, vnum ex dictis tribus, quia manifeste pugnat cum aduentu prætenso per curatorem, scilicet Ioannis Alegre, è Villa de Luna ad locum de Villarrubia, quem absque fratre aliquo, & vnicum tantum appellitus, & cognominis de Alegre peruenisse articulatū, & probatum est pro eius parte.

His

His accedit, quod nullo modo apparet Petrum Alegre de Luna filiū habuisse nominatum Franciscum, neque refert si obijciatur potuisse cōtingere affinē esse ex parte Mariæ Yzquierdo; nam diluitur facilimē ambiguitas, & difficultas, cum nō tantum ex depositionibus dictorum testium, sed etiam ex quam pluribus instrumentis antiquis exhibitis resultat clarē vxorem dicti Francisci fuisse Ioānam Hortin, quę cum non deferat cognomen de Yzquierdo, sed de Hortin, quod est omnino diuersum, patet fuisse diuersę familię, & non sororem Marię, cum ex diuersitate cognominū, diuersitas familiarum pręsumatur, & licet potuisset vterinā sororem esse, id alleganti, incumberebat onus probandi: nam pręsumptio stat, quod sit affinis ex parte mariti, propter identitatem nominis.

Accedat his, quod hęc Maria Yzquierdo, quę condidit hoc testamentum, ex quo in eo nominat, *Gabrielem*, filium, simul cum Bartholomęo aparet fuisse quartam auiam pupili: nam Licentiatuſ Thomas Alegre *patruus* in cedula articulorum in vigesimo se-

15
cundo, vigesimo septimo, & tricesimo primo, articulauit, & probauit ex matrimonio cōtracto cum Maria Yzquierdo Ioannem Alegre de Luna habuisse hos duos filios, Bartholomęum (à quo ille descendit) & Gabrielem, à quo descendit Gabriel Alegre, Canonici Ecclesię Tirasonę. Ex quibus resultat Ioannem Alegre aum pupili, habuisse fratrem nominatum Franciscū quasi ex assertione consanguinei, & *patru*i pupili, qui tamquam de sua descendencia melius informatus censetur.

Pręterea iuari posse censetur dicta probatio Procuratoris Fisci cum eo, quod resultat ex duobus instrumentis testificatis sub anno millesimo quadringentesimo septuagesimo quarto, in loco Villarrubeę: in quorum altero reperitur Ioannem Alegre fuisse in iudicio conuentum, & in altero testem adhibitum, & sic in illo tempore, & anno extitisse duos in dicto loco Ioannes Alegres minorem, & maiorem, cum minor necessario pręsuponat, ad esse maiorem; & per consequens ante tempus prętenſi aduentus Ioannis Alegre de Luna

articulatum pro parte pupilli, quod est centum, & septuaginta annorum retro, quos alio non cōstito verosimilius est fuisse patrem, & filium, qui à loco de Balbona peruenerunt cum qualitate maioris, aut minoris ætatis potius cōueniat illis, quàm extraneo, qui alia diuersa qualitate distingui, & discerni potuit uti Ioannis Alegre de Luna, cum qualitate loci, ubi originem ducebat, ut frequenter fieri solet ad euitandam confusio- nem, nam cum ista qualitate minoris non distingueretur à filio Ioannis maioris, oriundus de Balbona, qui similiter minor erat, ac per consequens indigebat alia demonstratione, atque ideo cum ea deficiat ne detur pluralitas personarum ex identitate nominis, cognominis, & qualitatis cōtra præsumptionem iuris censendum est unicum fuisse Ioannē Alegre minorem maritum Marię Yzquierdo, & non duos, & hunc filium Ioannis Alegre maioris à loco de Balbona procedentis, & non à Petro Alegre de Luna, loco valde remoto, & separato, præsertim cum appareat Ioannem Alegre, maritum Marię Yzquierdo habuisse filium Bar-

tholomæum, in quo partes conueniunt.

Quibus etiam valde consonat, ac vnus, & eiusdem familiæ esse dictos Ioānes de Alegre, minorem, & maiorem eodem tempore in dicto loco commorantes, quia illos constat, & eorum descendentes, absque vlla distinctione tanquam homines signi seruitij inseruisse officia Vniuersitatis dictę Villę, cōtributiones soluisse, & inter se tractasse tanquam descēdentes ab eodem stirpite ex parte appellitus, & cognominis de Alegre.

Neque alicuius considerationis esse censetur testamentum Petri Alegre de Luna transumptum, ad corroborandam, & adminiculandam probationem pupilli, nā omis- sis, quæ pro parte Regij Fiscī aduersus fidem, & veritatis transumpti præsumptionem obijcitur, & sententia lata in processu *Procuratoris Fiscalis* super illius comprobatione, in qua decernitur nullam esse habendam rationem de præfacto transumpto, donec testamentum originale exhibea- tur, super quibus placuit iudicium nostrum non interponere, cum, & si exhiberetur originale, nulla ei fides adhi-
be-

beri valeat, cū in se contineat maximam inverosimilitudinem, quæ dicitur imago falsitatis, nā quid inverosimilius excogitari potest, quam quod vnus frater suo fratri iā mortuo intra hoc Regnum, decē, & octo annis antea, vel saltem *septem* relinquat in suo testamento legatum quantitatis mille solidorum laccensium cum hac demonstratione, *que viue, y habita*, & nominet illum executorem testamenti, atque etiā substituat filio suo, si absque liberis decesserit? & quod testator ignorasset per tantum tempus mortem fratris legatarii, executoris, & substituti quem affirmat clarē, tunc temporis viuere, & habitare? hæc omnia reperiuntur, in hoc testamento transumptato, cuius calendarium est anni millesimi quingentesimi vigesimi noni & per librum Confatriæ Diuæ Mariæ maioris compulsatū Villerrubeæ apparet minorem fuisse mortuum anno millesimo quingētesimo vndecimo, atque ita decem, & octo annis ante testamentum, & per alium instrumentum mandati concessi per Mariam Yzquierdo, viduam Ioannis Alegre, sub anno millesimo quingentesimo vigesimo se-

cundo, saltem *septem* annis antea, quod inficiari non potest, magnam inducere inverosimilitudinem, ac imaginē falsitatis præferre, quod sufficere arbitramur iuxta DD. censuram, vt nulla ei fides adhiberi valeat.

Rursus non fouet probationem pupili *instrumentum protesti exhibitum*, in processu Thomæ Alegre, & si de dicto processu fuerit facta fides in presentj per Fiscum: nam cum in eo lata fuerit sententia per quam reprobatum dictum protestum, tamquam de falso suspectum, vt ex motiuis illius apparet, quæ sunt pars sententiæ, & illa transiit in rem iudicatam, quæ pro veritate habetur in ciuile est, quod de prædicto instrumento protesti amplius possit haberi aliqua ratio.

Neque fouet intentionem curatoris, qualitas Infantionis posita in instrumento venditionis Mariæ Yzquierdo, anni millesimi quingentesimi tricesimi septimi, nam præterquam prolata fuit à persona suspecta, & interesse habente, nempe dicta Maria Yzquierdo, vidua Ioannis Alegre, fuit etiam prolata inter alios, & ad aliud, & licet esset à Nota-

rio ei nō creditur, nisi de hijs, quæ rogatus est, nam quo ad alia est persona priuata, nec nisi de his, quæ vidit, & audiuit, & nobilitatis, & Infantionis qualitas inuisibilis est, & fantastica, & nisi aliquo signo demonstretur, quo distinguatur à plebeitate discerni non potest, at in dicto loco de Villarrubea, nec alibi non reperitur, quod dictus Ioānes Alegre, maritus Mariæ Yzquierdo distingueretur in aliquo à plebeis; & hominibus signiferuitij, neque, quod reputaretur infantio; imò ille, & eius descendentes, numquam gauisos, vt tales fuisse, nec satis fit, quod in potestate Notarij sit pro maiori demonstratiōe personæ roganti instrumentū adijcere eius qualitatem, nam licet id fateatur in ea, quæ fuerit notoria, ac publica qualis est *magistratus*, aut aliorum officiorum publicorū, quæ inducunt notorietatem, non tamē Infantionis, quæ in Regno nō est notoria, sed imò contraria est iuris, ac fori præsumptio, cum nemo nascatur Infantio. Quibus accedit, quod dictus Ioannes Alegre. cū semper nominatus in omnibus instrumentis exhibitis reperitur cum demonstratiōe, & qua-

litate sola *honorabilis*, quod si esset Infantio, & pro tali haberetur præsumendū est, quod cum qualitate Infantionis adscriberetur; quæ proprior, & conformior erat, atque ita cū vnica tantum vice reperiatur appellatus Infantio plus fidei tribuendum non est, quam tot vicibus, quibus sine ea nominatus reperitur, & à pluribus illius temporis, quare dicta enuntiatio, tum quia vnica, & prolata à persona suspecta inter aliōs, & ad aliud, tum quia à persona Notarij, nō habente potestatem proferēdi, cum in hoc pro persona priuata reputetur, nullius momenti indicatur.

Neque supradictis ob stare censemus, quod obijcitur has duas probationes curatoris, & Fisci non esse directè contrarias, & simul stare posse nempe Ioannem Alegre maiorem, vicinum Villæ de Balbona, cū dictis tribus filijs, & vnica filia in locū Villæ rubeæ peruenisse, atque eius filium Ioannem Alegre minorem contraxisse matrimonium cum Maria Yzquierdo, & ex ea suscepisse filium Bartholomeum, & quod eodem tempore alius Ioannes Alegre minor, è Villa de Luna se contulerit ad eundem

dem locum de Villarrubea, & nupserit cum Maria Yzquierdo, & similiter quod ex ea habuerit filiū Bartholomæum, ac per consequens, quod licet probatio Fisci, adminiculata, & corroborata sit cum instrumentis antiquis, non excludit probationem curatoris.

Nam respondetur, quod licet de facto hoc nō sit impossibile inficiari tamē nō potest magnam habere inuerosimilitudinem, quod eodem tempore, & eodem loco duo extiterint Ioannes Alegre minores copulatos cum singulis Marijs Yzquierdo, & quod ex eis ambo habuerunt singulos filios vocatos Bartholomæos, quod sufficit, vt suspecta reddatur probatio curatoris, nam licet maiori numero testium fulciatur, ea tamen cum sit de auditu, & destituta reperiatur omni auxilio scripturarum antiquarum fragilis est, & de facili prosternitur, verosimili probatione Fisci, cui animus Iudicis se conformare debet; præsertim in rebus antiquis, quæ sunt difficilis probationis, nam etiam vltra scripturas antiquas corroboratur intentio Fisci, cum præsumptio ne iuris, quod vnus, & non plures præsumatur contra iuris regulas.

Paterea non etiam obstat, quod obijcitur scilicet fere omnes testes, quibus intentio Fisci probatur esse vicinos, & habitatores loci Vniuersitatis de Villarroya, qui simul cum Fisco in hoc processu interesse habet, & partem facit, nam satisfit alterendo, quod respectu interesse Fisci, testes Vniuersitatis habitum fuit pro in dubitato habiles, & idoneos testes esse, quia Fiscus æquè principale interesse habet diuersum, & separatum à iure Vniuersitatis propter ius marautini, pedagij, & aliorum iurium regalium quæ sunt solum Domini Regis. At aliud est ius Vniuersitatis, nempe feruendi officia illius, contribuendi, & alia onera ferendi, vt notum est, atque ita idem est, ac si quælibet dictarum partium distinctam cedula contradictorij obtulisset, vltra quod in præsentiarū apparet, quod licet citata fuerit Vniuersitas loci de Villarroya, non tamen pro eius parte oblata fuit cedula contradictorij, nec publicauit, sed solum pro parte Fisci, & Commendatoris de Aliagia.

Tandem neq; refert etiam quod obijcitur aduersus depositiones quatur testium, secundi,

di, noni, decimi noni, & vigesimi, processus *Licēciati Thomæ Alegre*, qui in eo in fauorem Fiscī deposuerunt, & in hoc nō potuerunt reproduci propter eorū mortem nempe, quod ex quo sententia in eo lata non nocet pupilo, nec nocere posse dictas attestationses. Nami respondetur, quod licet sententia lata in eo processu non noceat pupilo non est, quia res fuerit inter alios acta, quæ est pēcularis ratio, quare cui nō nocet sententia, siue acta processus, quia imō in eo representatiuē adesse, & litigasse pupilum, iuris interpretatione cēsetur, adeo quod dicta sententia, si confirmata foret in processu iurisfirmarum grauaminum factorum ex eisdem motiuis, & meritis primæ instantiæ, absque dubio noceret ei, cum ius sanguinis, de quo in eo agebatur. Commune, & indiuiduum erat patruo Thomæ Alegre, & suo nepoti Petro Iosepho Alegre, qui ab eodem stipite, &

principio nempe à dicto Ioanne Alegre originem nobilitatis ducunt, sicut si fauorabilis esset sententia prodesse deberet, atque ideo cum dictas depositiones dicit nō possit fuisse receptas inter alios, sed inter easdē personas iuris interpretatione, cessat ratio, cur illæ non debeant prodesse Fiscō, & nocere debeant pupilo. Neque quod sententia non noceat pupilo alicuius considerationis est, cū ratio sit diuersa, quæ non influit in meritis processus primæ instantiæ nempe defectiua representatio actorum facta in processu electionis iurisfirmæ culpa Thomæ Alegre, quæ nocere non potuit suo nepoti, nec debet Fiscō, qui sententiam reportauit, alias ex alteriusfacto damnum inferretur, quod ius non patitur; ultra quod cum versetur in antiquis in dubiū est femiplenam probationem facere, iuxta Doctorum censuram, his, & alijs attest. content. &c.

Signum mei Ioannis Agidij Caluete, Scribe mandati Domini nostri Regis, ac Notario de numero Ciuitatis Casaraugustæ, qui huiusmodi uota, & motiua (per me recepta) à libro Regij Consilij causarum ciuiliū presentis Regni Aragonum, ubi continuata existunt bene, & fideliter comprobauī, extraxi, & in fidem, & testimonium ueritatis meo solito signo signauī.